


Ni Pangulong Thomas S. Monson



Pagpadasig sang Buluhaton

Nahibaloan bala ninyo nga ang ginpanumbalik nga Simbahan 98 na ka tuig antes ini makaangkon sang 100 ka mga stake? Pero wala pa mag-30 ka tuig pagkaligad sina, ang Simbahan naka-organisar pa gid sang 100 ka mga stake. Kag walo lamang ka tuig pagligad sina ang Simbahan may masobra na sa 300 ka mga stake. Sa karon may masobra na kita 3,000 ka mga stake.

Ngaa bala subong sini kadasig ang ining pagtubo? Tungod bala nga mas kilala na kita karon? Tungod bala nga may matahum kita nga mga simbahan?

Ining mga butang importante, pero ang rason nga nagadako ang Simbahan sa karon kay ginhambil sang Ginuo nga mangin subong sini. Sa Doctrine and Covenants, nagsiling Sia nga pagpadasigon Niya ang Iya buluhaton sa husto nga tion.¹

Kita, bilang espiritu nga kabataan sang aton Amay nga Langitnon, ginpadala sa kalibutan sa sini nga panahon agud sarang kita makaentra sa pagpadasig sining dako nga buluhaton.

Ang Ginuo wala gid, sa akon pagkahibalo, nagsiling nga ang Iya buluhaton limitado lamang sa sini nga kinabuhi. Kundi, ang Iya buluhaton nagalakip sang wala'y katupasan. Nagapati ako nga Iya ginapadasig ang Iya buluhaton sa kalibutan sang mga espiritu. Nagapati man ako nga ang Ginuo, paagi sa Iya mga alagad didto, nagahanda sang madamo nga mga espiritu para magbaton sang ebanghelyo. Ang aton obra amo nga pangitaon ang

aton mga minatay kag dayon magkadro sa templo kag maghikot sang sagrado nga mga ordinansa nga magadalda sa ila nga yara sa pihak nga kabuhi sang pareho nga mga oportunidad nga yari sa aton.

Ang tagsa ka maayo nga Santos sa Ulihing-mga-Adlaw sa kalibutan sang mga espiritu masako, siling ni Pangulong Brigham Young (1801-77). "Ano ang ginabuhat nila didto? Nagapangwali sila, nagapangwali sa tanan nga tion, kag nagahanda sang dalan para sa aton agud padasigon ang aton buluhaton sa pagpatindog sang mga templo diri kag bisaan diin pa."²

Sa karon, ang buluhaton sa family history indi mahapos. Sa inyo nga mga naggikan sa Scandinavia, nahangpan ko ang inyo kabudlayan. Halimbawa, sa akon Swedish nga linyada, ang ngalan sang akon lolo amo si Nels Monson; ang ngalan sang iya tatay indi Monson kundi Mons Oke-son. Ang ngalan sang tatay ni Mons' amo si Oke Pederson, kag ang ngalan sang iya tatay amo si Peter Monson—balik naman sa Monson.

Ang Ginuo nagapaabot sa inyo kag sa akon nga mangin matutom sa paghimo sang aton family history. Sa banta ko ang una gid naton nga himuong kon gusto naton himuong sing maayo ang aton ulobrahon amo ang mag-angkon sang Espiritu sang aton Amay nga Langitnon upod sa aton. Kon magpangabuhi kita nga matarong suno sa nahibal-an naton, pagabuksan Niya ang dalan para sa katumanan sang mga bugay nga hanuot kag matutom naton nga ginapangita.

Makahimo kita sang mga sayop, pero wala sing isa sa aton nga mangin eksperto sa buluhaton sang family history nga wala nagaagi sang pagka-bag-uhanon. Gani, kinahanglan naton mangin matutom sa sini nga buluhaton, kag kinahanglan naton maghanda para sa mga kabudlayan. Indi ini mahapos nga ulobrahon, pero ginhatag ini sang Ginuo sa inyo, kag ginhatag Niya ini sa akon.

Sa inyo pagtuman sang buluhaton sang family history, makasumalang kamo sang mga sablag, kag magasiling kamo sa inyo kaugalingon, "Wala na gid ako sing mahimo." Pag-abot ninyo sa sina nga punto, magluhod kag pangabaya ang Ginuo nga buksan ang dalan, kag pagabuksan Niya ang dalan para sa inyo. Nagasaksi ako nga ini matuod.

Palangga sang Amay nga Langitnon ang Iya mga anak sa kalibutan sang mga espiritu kasubong sang Iya pagpalangga sa inyo kag sa akon. Nahanungod sa buluhaton sang pagluwas sang aton mga minatay, ang Propetang si Joseph Smith nagsiling, "Kag karon samtang ang dalagko nga mga katuyuan sang Dios madasig nga nagakatuman, kag ang mga butang nga ginpanghambal sang mga Propeta nagakatabo, samtang ang ginharian sang Dios ginapasad sa kalibutan, kag ang dumaan nga pamaagi sang mga butang ginapanumbalik, ang Ginuo nagpakita sa aton sinining katungdanan kag pribelihiyo."³

Nahanungod sa aton mga katigulangan nga nagtaliwan nga wala makahibalo sang ebanghelyo, si Pangulong Joseph F. Smith (1838–1918) nagpahayag, "Paagi sa aton mga pagtinguba para sa ila ang ila mga gapos mahukas sa ila, kag ang kadulom nga nagapalibot sa ila mapuhag, agud ang kasanag magsilak sa ila kag ila mabatian sa kalibutan sang mga espiritu nga ang buluhaton naobra na para sa ila sang ila mga kabataan sa diri, kag magakalipay upod sa inyo sa inyo paghikot sinining mga katungdanan."⁴

May yara sang minilyon ka espiritu nga kabataan sang Amay nga Langitnon nga wala pa makabati sang ngalan ni Cristo antes mapatay kag magpadayon sa kalibutan sang mga espiritu. Pero karon natudluan na sila sang ebanghelyo kag nagahulat sang adlaw nga ikaw kag ako magobra sang kinahanglanon nga pagpangita agud hawanhan ang dalan agud makasulod kita sa balay sang Ginuo kag hikuton ang buluhaton nga indi nila mahimo para sa ila mga kaugalingon.

Mga kauturan ko, nagasaksi ako nga ang Ginuo magabugay sa aton sa aton pagbaton kag paghulag sa sinining panghangkat.

PAGTUDLO GIKA SA SINING MENSAHE

Magpanumdum sang isa ka paborito nga istorya gikan sa kasaysayan sang inyo pamilya kag ipaambit ining istorya sa inyo ginabisitahan. Basi gusto ninyo gamiton ang mga pamangkot sa seksyon sang kabataan sa Mensahe sang Unang Panguluhan (pahina 6) agud paisugon ang inyo ginabisita nga magpaambit sang ilang mga istorya. Binagbinaga ang pagbasa sang Doctrine and Covenants 128:15 kag hambalan ang importansa sang paghikot sang mga ordinansa sa templo talos sa aton mga katigulangan.

MGA TANDA

1. Tan-awa sa Doctrine and Covenants 88:73.
2. *Teachings of Presidents of the Church: Brigham Young* (1997), 280.
3. *Teachings of Presidents of the Church: Joseph Smith* (2007), 409.
4. *Teachings of Presidents of the Church: Joseph F. Smith* (1998), 247.

LAMHARON

Malingaw Bala Ako Mag-Indexing?

Ni Emma Abril Toledo Cisneros

Nag-entra ako sa tuyo sang amon stake nga mag-index sang 50,000 ka mga ngalan. Sang umpsa mabudlay ini. Pila gid ka beses nga ang batch nga nadownload ko mabudlay basahon ang sinulatan, kag kon kaisa gusto ko ini iuli kag mag-download na lang sang lain. Pero narealisar ko nga kon amo sini ang panghuhuna sang tanan, ang ining mga batch mapabay-an na gid lang asta sa katupusan. Ginahunahuna ko ang madamo nga linya sang mga tawo nga nagahulat sa kalibutan sang mga espiritu, kag nagdesisyon ako nga padayunon nga tinguaan nga basahon ining mga ngalan kag isulat ang mga ini nga indi magsala.

Natun-an ko nga mag-angkon sang pagpalangga sa sinining mga tawo. Nahangpan ko nga kinahanglan nila matuod sang bulig, kag kita man nagakinahanglan sang bulig halin sa ila. Mas naintiendihan ko nga ang perpekto nga plano sang Amay nga Langitnon nagalakip sang tanan-tanan. Kon sundon naton ang inspirasyon kag panulin sang lya pinili nga mga lider, masaksihan naton ang lya kaluoy kag wala'y katupusan nga pagpalangga.

Ang pag-index nangin isa ka matahum nga eksperiensya para sa akon. Natun-an ko nga hatagan bili kag palanggaon ang madamo nga mga butang parte sa family history. Nakabaton man ako sang malahalon

nga mga dulot halin sa aton Ginuo paagi sa pagtuman
sang isa ka simple nga butang pareho sa pag-entra sa
indexing.

Ang tagsulat nagapuyo sa Veracruz, Mexico.

MGA KABATAAN

Hibaloa ang Inyo Kasaysayan

Ang inyo mga ginikanan kag kalolohan may mадамо nga mga inagihan—nga ang iban wala gani ninyo mahibaloi! Ang pila sang ila mga istorya maka-pakadlaw sa inyo, kag sarang kami sini buligan nga mag-angkon sang pagtuo sa Amay nga Langitnon. Pero bisan gani ang mga hamtong mahuluy-on man kon kaisa. Gamita ining mga pamangkot agud buligan sila nga madumduman ang pila sang ila paborito nga mga istorya kag isulat ukon drowinga ang ila mga sabat.

1. Sugiri ako sang tatlo ka pinakamasadya nimo nga mga handurawan.
2. Ano ang imo pinakamakahuluya nga inagihan?
3. Sugiri ako parte sa adlaw nga natawo ako.
4. Ano ang nanamian mo gid himuong sang bata ka pa?
5. Paano mo naangkon ang imo panaksihon sang ebanghelyo?

© 2014 iya lang sang Intellectual Reserve, Inc. Tanan nga mga kinamatarong ginahuptan. Ginbalhag sa Pilipinas. Petsa sang pagtugot sa Ingles: 6/14. Petsa sang pagtugot sa paglubad: 6/14. Paglubad sang *First Presidency Message, June 2014*. Hiligaynon. 10866 861



Ang Langitnon nga Misyon ni Jesucristo: Alagad

Tun-i sing mainampuon ining materyal kag magpangamuyo agud mahibaloan kon ano ang ipaambit. Paano ang paghangop sa kabuhi kag misyon sang Manluluwas makapadugang sang inyo pagtuo sa Iya kag magabugay sa ila nga inyo ginabantayan paagi sa visiting teaching? Para sa dugang nga impormasyon, mag-log on sa reliefsoociety.lds.org.

Kabahin ini sang sunod-sunod nga mga Mensahe sa Visiting Teaching nga nagapakita sang mga aspeto sang misyon sang Manluluwas.

Sa aton pag-alagad sa iban, kita mangin matuod-tuod nga mga sumulunod ni Jesucristo, nga nag-pahamtang sang halimbawa para sa aton. Si Pangulong Thomas S. Monson nagsiling: “Ginapalibutan kita sadtong mga nagakinahanglan. . . Kita ang mga kamot sang Ginuo diri sa duta, nga may obligasyon sa pag-alagad kag sa pagtib-ong sang Iya mga kabataan.¹

Si Linda K. Burton, pangkabilugan nga pangulo sang Relief Society, nagtudlo: “Sa sige nga paghimo, ang tagsa sa aton sarang mangin mas pareho sa Manluluwas samtang nagaalagad kita sa mga anak sang Dios. Agud mabuligan kita nga [mag-alagad] sing mas maayo sa isa kag isa, nagapanugyan ako sang apat ka tinaga nga panumdumon: ‘Una magpanilag, dayon mag-alagad.’ . . . Kon himuong naton ini, nagatuman kita sang mga kasuguan, kag ang aton pag-alagad, pareho kay Pangulong Monson, mangin ebiden-sya sang aton pagkadiripulo.”²

Sarang kita magpangamuyo tagsa ka aga agud makakita sang mga oportunidad sa pag-alagad sa iban. “Giyahan kamo sang Amay nga Langitnon, kag ang mga anghel magabulig sa inyo,” siling ni David L

Beck, pang-kabilugan nga pangulo sang Young Men. “Pagahatagan kamo sang gahum sa pagbugay sang mga kabuhi kag pagsagop sang mga kalag.”³

Gikan sa Balaan nga mga Kasulatan

Mateo 20:25–28; 1 Nefi 11:27–28; 3 Nefi 28:18

Gikan sa Aton Kasaysayan

Sa pang-kabilugan nga komprensya sang Oktubre 1856, si Pangulong Brigham Young (1801–77) nag-anunsyo nga ang mga pionero nga de-kariton nagapatabok pa sa kapatagan kag ang kada isa dapat gid nga magbulig tipon sang mga suplay para sa ila sa gilayon. Si Lucy Meserve Smith nagsulat nga ang mga kababayin-an “naghukas sang ila mga petticoat [dalagko nga mga sayall], mga medyas, kag tanan nga bagay nga pwede nila ihatag, didto mismo sa Tabernakulo, kag ginkarga [ang mga ini] sa mga karwahe.”

Sang nag-inabot na ang ginpang-salbar nga mga pionero sa Siyudad sang Salt Lake, si Lucy nagsulat, “Wala na sing . . . mas nagpalipay sa akon nga buluhaton sa bug-os ko nga kabuhi, ang subong nga balayagon sang pag-isa nagpangibabaw. Kinahanglan ko lang gid magkadto

Pagtuo, Pamilya, Bulig

sa tindahan kag ihambil kon ano ang gusto ko [para makabulig sa mga nag-alabot]; kon tela man ini, takson nila ini kag ihatag nga wala sing bayad.”⁴

Si Pangulong George Albert Smith (1870–1951) naghambal parte sa pag-alagad sa iban: “Ang aton wala’y katapusan nga kalipay mangin suno sa paagi nga ginhalaad naton ang aton kaugalingon sa pagbulig sa iban.”⁵

Binagbinaga Ini

1. Paano ang pangamuyo makabulig sa aton nga mangin mga instrumento sa mga kamot sang Ginuo?
2. Paano ang pag-alagad sa iban makabulig sa aton nga magtipig sang aton mga kasugtan?

MGA TANDA

1. Thomas S. Monson, “Ano ang Akon Nahimo para sa Isa ka Tawo Sini nga Adlaw?” *Liahona*, Nob. 2009, 86.
2. Linda K. Burton, “First Observe, Then Serve,” *Liahona*, Nob. 2012, 78, 80.
3. David L. Beck, “Your Sacred Duty to Minister,” *Liahona*, Mayo 2013, 56.
4. Lucy Meserve Smith, sa *Daughters in My Kingdom: The History and Work of Relief Society* (2011), 36–37.
5. George Albert Smith, sa *Daughters in My Kingdom*, 77.